



2020 у.г. « 24 » январь

№ 56-Қ

Ziyovuddin sh., – пгт. Зиёвуддин

**Автомобиль йўлида ҳаракат хавфсизлигини таъминлаш мақсадида
светофор ўрнатишга рухсат бериш тўғрисида**

Автомобиль йўлида ҳаракат хавфсизлигини таъминлаш мақсадида Пахтачи туман Истиклол маҳалла фуқаролар йиғинининг А.Темур ва Истиклол кўчалари, Истиклол маҳалласи Истиклол ва Мустақиллик кўчалари, шунингдек Бодой маҳалласи Мустақиллик ва Бодой кўчалари кесишган чорраҳаларида светофор ўрнатишга рухсат бериш ҳақидаги Пахтачи туман Ички ишлар бўлимининг 2019 йил 30 декабрь кунги 50/5199-сонли, Пахтачи туман йўллардан фойдаланиш унитар корхонасининг 2019 йил 30 декабрь кунги 587-сонли ҳамда туман Ободонлаштириш бошқармасининг 2019 йил 30 декабрь кунги 171-сонли хатларини инобатга олиб, Ўзбекистон Республикасининг “Автомобиль йўллари тўғрисида”ги ЎРҚ-117-сон Қонунининг 7-моддаси (*Ўзбекистон Республикаси қонун ҳужжатлари тўплами, 2007 й., 40-сон, 410-модда*), “Маҳаллий давлат ҳокимияти тўғрисида”ги 913-ХП-сон Қонунининг 6 ва 25 моддалари (*Ўзбекистон Республикаси Олий Кенгашининг Ахборотномаси, 1993 й., 9-сон, 320-модда*), “Йўл ҳаракати хавфсизлиги тўғрисида”ги Ўзбекистон Республикаси қонунига ўзгартиш ва кўшимчалар киритиш ҳақида”ги ЎРҚ—348-сон Қонуни (*Ўзбекистон Республикаси қонун ҳужжатлари тўплами, 2013 й., 15-сон, 197-модда*) ҳамда Ўзбекистон Республикаси Вазирлар Маҳкамасининг 2015 йил 24 декабрдаги “Йўл ҳаракати қоидаларини тасдиқлаш тўғрисида”ги 370-сонли қарорига (*Ўзбекистон Республикаси қонун ҳужжатлари тўплами, 2016 й., 3-сон, 23-модда*) асосан

Қ А Р О Р Қ И Л А М А Н :

1. Пахтачи туман Истиклол маҳалласи А.Темур ва Истиклол кўчалари, Истиклол маҳалласи Истиклол ва Мустақиллик кўчалари, шунингдек Бодой маҳалласи Мустақиллик ва Бодой кўчалари кесишган чорраҳаларида ҳаракат хавфсизлигини таъминлаш мақсадида светофорлар ўрнатишга рухсат берилсин.

2. Туман Ички ишлар бўлими (Б.Санакулов), туман Йўллардан фойдаланиш унитар корхонаси (Н.Эшонкулов) ҳамда туман Ободонлаштириш бошқармаси (А.Шерматов)га юқорида кўрсатилган манзилларда белгиланган светофорларни ўрнатиш вазифаси топширилсин.

3. Туман Ички ишлар бўлими (Б.Санакулов) ушбу кўчада ҳаракатланувчи транспорт воситаларининг мазкур светофорларга қатъий риоя қилишини ҳамда ҳаракат хавфсизлигини таъминлаш чораларини кўриш вазифалари юклатилсин.

4. Мазкур қарор расмий эълон қилинган кундан эътиборан кучга киради.

5. Мазкур қарор “Пахтачи” газетасида расмий эълон қилинсин, расмий эълон қилинганидан кейин бир кун ичида ҳокимликнинг расмий веб-сайти (<http://paxtachi.uz>)га жойлаштирилсин.

6. Ушбу қарорнинг бажарилишини назорат қилиш туман ҳокими ўринбосари Ш.Мусирманов зиммасига юклатилсин.

Туман ҳокими

М.Хамдамов

Келишилди:

Туман ҳокими ўринбосари

Ш.Мусирманов

Туман Ички ишлар бўлими
йўл ҳаракати хавфсизлиги
гуруҳи катта инспектори

Д.Исоков

Туман ҳокимлиги
бош юрисконсулти

Ш.Хидиров

Тайёрлади:

Туман ҳокимлиги бош мутахассиси

Х.Санақулов